

Այն ինչ, տարաբախտաբար, Կովկասեան մայրաքաղաքի և հայաշատ կենդրոններից ոչ հեռու տեղ գտնուած Ուտիացոց աշխարհի մէջ բռնութեամբ կրօնափոխ եղած 77400 (եօթեանասուն եօթ հազար և չորս հարիւր) Հայերի նիստ ու կացի, վարք ու բարքի, նրանց ընտանեկան սովորութիւնների և առանձնայատկութիւնների մասին, որքան ինձ յայտնի է, ոչ մի տող չէ եղել մեր Հայ պարբերական մամուլի էջերում: Այս իսկ պատճառով, հոգով և անկեղծ սրտանց ես ցանկանում եմ, որ մեր ընթերցողները խորին ուշադրութեամբ կարդան սոյն տողերս: Սիրում եմ յուսալ, որ գէթ այսուհետեւ մեր բանասէրներն ու հնագէտները կգնան Ուտիացոց աշխարհ, անձամբ կտեսնեն, կզննեն և մանրամասնաբար կըքննեն ամեն բան: Ապա իրենց հետազօտութեան արդիւնքները հրապարակ հանելով, ապագայ Հայ պատմաբանի համար ընտիր և պատուական նիւթեր կմատակարարեն: Նիւթեր, որոնք պիտի լրացնեն մեր պատմութեան թերի կողմերը և որոնք պիտի լուսաբանեն Հայ պատմութեան մութ կէտերը: Ուտիացոց երկիրը իւր առատ և շահաւետ պէսպէս բերքերով, իւր բազմարդիւն հողերով և գեղանկար տեսարաններով եղեմական կատարեալ մի դրախտ է: Բայց ամսոյս և հազար ամսոյս, որ լուսաւորութեան և կրթութեան կողմից շատ ու շատ յետ է քնացել: Ահազի՛ն Կով-